

# INUIT ATAQATIGIIT

## Inatsisartuni



7. februar 2022

Inatsisartut Suleriaasianni § 37 imm. 1 naapertorlugu Naalackersuisunut apeqquq imaattoq matumuuna saqqummiuppara.

### Naalackersuisunut apeqquq:

1. Qarasaasiatigut saassunneqarnissamik sillimarniarneq ullummikkut qanoq qarannaatsigaa?
2. UKA20 imm. 194 Center for Cybersikkerhed (internetikkut isumannaassuseq) pillugu inatsisip Kunngip peqqussutaatigut Kalaallit Nunaannut atuutsinneqalersup pisortanut kingunissaanik allaqqavoq, inatsisip piviusunngortinnissaanut 5 mill. atorneqarssasut. Tamanna piviusunngortinneqarpa?
3. Suli annertunerusumik sillimarniarneq inissinneqassappat, aamma suut iliuserineqarsinnaappat?

(Inatsisartuni ilaasortaq Pipaluk Lynge Rasmussen, Inuit Ataqatigiit)

### Tunngavilersuut:

Decemberip qaammataani suliffeqarfik Royal Greenland qarasaasiatigut saassunneqarput, sivilisuaamillu saassunneqarnertik aqqiiviginiarsaralugu.

Ullutsinni qarasaasiatigut saassunneqarneq navianartutut nalilerneqartalersimammat Namminersorlutik Oqartussat assingusumik misigeqqunagit, siunissami sillimarniarneq imak nukittutigilissappat, allaat toqqissilluta qarasaasiatigut sullissinnaalluta, Royal Greenlanditut misigisaqariasaassanngikkutta, ilisimasariaqarparput ilumut qarasaasiatigut illersugaanerluta imaluunniit aningaasaliivigineqarnerat annikingaarmat tamakkiisumik illersorneqarata.

Illersorluarneqarnissarput qulakkeerusullugu qarasaasiatigut sillimarniarneq qanoq isikkoqarnersoq paaserusunnarpoq.

Kissaatigaara apeqquqit ullut qulit qaangiutsinnagit akineqarnissaat.